

## ՀԱՇՎԵՏՎՈՒԹՅՈՒՆ

2022 թվականի հուլիսի 12-15-ը Ուզբեկստանի Հանրապետություն (Տաշքենդ)  
կատարած գործուղման արդյունքների մասին

### 1. Անունը, ազգանունը՝

Գայանե Մարգարյան

### 2. Ձբաղեցրած պաշտոնը՝

ՀՀ էկոնոմիկայի նախարարության որակի ենթակառուցվածքների զարգացման վարչության գլխավոր մասնագետ

### 3. Գործուղման վայրը և ժամկետը՝

Ուզբեկստանի Հանրապետություն, ք. Տաշքենդ, 2022 թվականի հուլիսի 12-15-ը

### 4. Հրավիրող կողմը՝

Ստանդարտացման, չափագիտության և սերտիֆիկացման միջպետական խորհուրդ (այսուհետ՝ ՍՉՍ ՄՊԽ)

### 5. Գործուղման նպատակը՝

Մասնակցելու 61-րդ հորեյանական նիստին և օրակարգում ներառված հարցերի քննարկմանը, ինչպես նաև ՍՉՍ ՄՊԽ ստեղծման, կայացման և ընթացիկ աշխատանքներում ներդրում ունեցող և կառույցի կազմավորման 30 ամյակի առթիվ նախատեսվող մրցանակաբաշխությանը (անդամ պետություններից ներկայացված և մրցանակաբաշխության հավակնորդ աշխատակիցների (մասնագետների) համար):

### 6. Քննարկված թեմաները

1) Անկախ Պետությունների Համագործակցության անդամ պետությունների փոխադարձ առևտրի տեխնիկական խոչընդոտների մասին համաձայնագրի նախագիծ,

2) Հավատարմագրման տարածաշրջանային կազմակերպության ստեղծմանն ուղղված մի շարք մշակված փաստաթղթերի նախագծեր,

3) հավատարմագրման ոլորտում համագործակցության առավել արդյունավետ ուղիների և մեխանիզմների ստեղծումը,

4) տեխնիկական կանոնակարգման, ստանդարտացման և համապատասխանության գնահատման ոլորտներում գործող իրավական ակտերի, նոր մշակվող փաստաթղթերի վերաբերյալ քննարկումներ:

Նիստի առաջին օրը քննարկվել են ԱԶՍ ՄՊՀ-ի գործունեության տարբեր ուղղությունների վերաբերյալ նիստի օրակարգի 9 հարցեր, այդ թվում՝ մինչև 2030 թվականն ընկած ժամանակահատվածում ԱԶՍ ՄՊՀ-ի զարգացման ռազմավարության իրականացման միջոցառումների ծրագրի իրականացման ընթացքի, միջազգային այլ կազմակերպությունների հետ ԱԶՍ ՄՊՀ-ի համագործակցության հարցերը, ստանդարտացման միջպետական տեխնիկական կոմիտեների զարգացումը:

Հավատարմագրման ազգային մարմնի ղեկավար Անի Օրոսյանը, Հավատարմագրման ազգային մարմնի ղեկավարի տեղակալ Աննա Մելքոնյանը, Էկոնոմիկայի նախարարության Որակի ենթակառուցվածքների զարգացման վարչության գլխավոր մասնագետ Գայանե Մարգարյանին, որոնց աշխատանքային փորձը և գիտելիքները ծառայել են ստանդարտացման, չափագիտության և սերտիֆիկացման (համապատասխանության գնահատման) ոլորտների զարգացմանը՝ շնորհվել է «ԱՊՀ ստանդարտացման, չափագիտության և սերտիֆիկացման միջպետական խորհրդի 30 ամյակի մեղալ»:

Նիստի մասնակիցները հատուկ ուշադրություն են դարձրել ստանդարտացման, չափագիտության, որակի կառավարման և սերտիֆիկացման բնագավառում կադրերի ուսուցման, որակավորման բարձրացման և վերապատրաստման համար ԱՊՀ մասնակից պետությունների բազային կազմակերպության ստեղծման հարցին՝ հավանություն տալով նախագծին բազային կազմակերպության մասին հիմնադրույթին և որոշում ընդունելով այն սահմանված կարգով ուսումնասիրելու համար ԱՊՀ Գործադիր կոմիտե ուղարկելու մասին:

Նիստի երկրորդ օրը քննարկվել է ԱԶՍ ՄՊՀ գործունեության տարբեր ուղղություններով 19 հարց, մասնավորապես, քննարկվել են միջպետական ստանդարտացման 2022-2023 թվականների ծրագիրը, մինչև 2030 թվականը ԱԶՍ ՄՊՀ զարգացման ռազմավարության իրականացման միջոցառումների ծրագրի իրականացման ընթացքը, 2021-2025 թվականների համար նյութերի և նյութերի կազմի և հատկությունների միջպետական ստանդարտ նմուշների ստեղծման և կիրառման ծրագիրը, 2022 թվականի համար հավատարմագրման Եվրասիական համագործակցության ստեղծման միջոցառումների ծրագիրը (ճանապարհային քարտեզը):



Նիստի մասնակիցները քննարկել են ԱՊՀ մասնակից պետությունների փոխադարձ առևտրում տեխնիկական խոչընդոտների մասին համաձայնագրի և համապատասխանության գնահատման մարմինների հավատարմագրման փոխադարձ ճանաչման մասին համաձայնագրի նախագծերի համաձայնեցման ընթացքը:

ՍԶՍ ՄՊՀ որոշմամբ՝ հաստատվել է ազատ առևտրի գոտում տեխնիկական խոչընդոտների վերացման հարցերով աշխատանքային խմբի կազմը՝ ԱՊՀ մասնակից պետությունների փոխադարձ առևտրում տեխնիկական խոչընդոտների մասին համաձայնագրի մշակումը շարունակելու նպատակով: Դրա հետ մեկտեղ ԱՊՀ-ի գործադիր կոմիտեն և Եվրասիական տնտեսական հանձնաժողովը կշարունակեն համատեղ աշխատանքը ԱՊՀ-ի մասնակից պետությունների փոխադարձ առևտրում տեխնիկական խոչընդոտների վերացման մեխանիզմների մշակման ուղղությամբ:

ՄՊՀ 61-րդ նիստի օրակարգի բոլոր հարցերի վերաբերյալ ընդունվել են համապատասխան որոշումներ, ստորագրվել է արձանագրություն:

Նիստի ընթացքում ստորագրվել է համագործակցության հուշագիր ՍԶՍ ՄՊՀ-ի և Ռուսաստանի արդյունաբերողների և գործարարների միության կոմիտեի միջև, որն ուղղված է միջպետական ստանդարտների մշակման գործընթացում բիզնեսի ներգրավմանը և մինչև 2030 թվականը ՄՊՀ զարգացման ռազմավարության իրականացման աջակցությանը:

#### **7. Հանդիպումները, ելույթները, բարձրացված կամ քննարկված հարցերը**

Նիստին քննարկվել է նաև ԱՊՀ մասնակից պետությունների փոխադարձ առևտրում տեխնիկական խոչընդոտների մասին և համապատասխանության գնահատման մարմինների հավատարմագրման փոխադարձ ճանաչման մասին համաձայնագրերի նախագծերի համաձայնեցման ընթացքը:

Անկախ Պետությունների Համագործակցության անդամ պետությունների պատվիրակությունների կողմից ներկայացվեցին իրենց երկրներում տեխնիկական կանոնակարգման, ստանդարտացման, չափագիտության և համապատասխանության գնահատման ոլորտներում իրականացվող բարեփոխումների արդյունքներն ու առկա իրավիճակը: Ներկայացվեց տեղեկատվություն միջպետական ստանդարտների ընդունման, տեղայնացման և դրանց միջոցով առևտրում խոչընդոտների նվազեցմանն ուղղված միջոցառումների վերաբերյալ:

Տարբեր ներկայացվածության աշխատանքային խմբերում քննարկվեցին անդամ պետությունների հավատարմագրման մարմինների համագործակցության մեխանիզմներն ու մոտեցումները, առկա խնդիրների լուծման ուղիները:

« և Ուզբեկստանի հավատարմագրման ազգային մարմինների հանդիպման ժամանակ ներկայացվեցին դրանց կառուցվածքն ու կազմը, միջազգային կազմակերպություններին անդամակցության շրջանակներում իրականացվող միջոցառումները, հավատարմագրման գների սահմանման վերաբերյալ դիրքորոշումները:

Ուզբեկական կողմը՝ ներկայացրեց իրենց մարմնում իրականացված բարեփոխումները և հավատարմագրման միջազգային կազմակերպությանը անդամակցության նպատակով ներկայացված հայտի մշակման, հետագայում նաև գնահատման գործընթացն ու արդյունքները:

« կողմը տեղեկատվություն տրամադրեց հավատարմագրված համապատասխանության գնահատման մարմինների, նրանց գնահատման ընթացքում ի հայտ եկած խնդիրների, դրանց ռեեստրի վարման և այլ գործընթացների, ինչպես նաև ԻՍՕ/ԻԷԿ 17011:2017 և ԻՍՕ/ԻԷԿ 17025:2017 միջազգային ստանդարտների նոր խմբագրությունների ներդրման փորձի վերաբերյալ:

Գործուղման արդյունքում ձեռքբերված պայմանավորվածությունների և որոշումների մասին տեղեկատվությունը ներկայացվել է ղեկավարությանը:

#### **8. Ստորագրությունը, ամսաթիվը՝**

Գայանե Մարգարյան



18.07.2022թ.